

# Galicia Encantada



ANIVERSARIO  
2005 \* 2025  
Enciclopedia de Fantasia Popular de Galicia

**Festas e mitoloxía relixiosa**

**CATEGORÍAS RELACIONADAS**

***CONTO: O pobre e o rico\****

Morreu unha vez un pobre aldeán que foi á porta do Paraíso, e ao mesmo tempo morreu un señor moi rico que subiu tamén ao Ceo.

Chegou san Pedro coas súas chaves, mandou entrar ao señor pero, sen dúbida, non viu o aldeán pois cerrou deixándoo fóra, desde onde escoitou o pobre a alegre recepción que facían ao rico con música e cantos.

Cando quedou todo en silencio volveu ao fin san Pedro e mandou entrar ao pobre, o cal agardaba que ao seu regreso volverían a soar os cánticos e as músicas, mais todo continuou en silencio. Recibírono con moita alegría, iso si, e os anxos saíron ao seu encontro, peor non cantou ninguén.

Entón preguntoulle a san Pedro porque non había alí música para o pobre como para o rico, e se no Ceo reinaban as mesmas diferenzas que na Terra.

—Non (contestoulle o santo). O mesmo aprezo nos merecedes un ca outro, e ti obterás a mesma parte que o que acaba de entrar nas delicias do Paraíso; pero mira, pobretóns coma ti

chegan aquí a centos todos os días, mentres que ricos como o que acaba de entrar, apenas vén un de século en século.

\*Traducido de "*El Lucense*", diario católico da tarde, nº 1634, páx. 3 (26/03/1890).

### **Nota**

Trátase dunha copia da versión dun conto do mesmo título recreado e publicado polos irmáns Grimm.